

東臯握靈本草目錄卷之四

草部 計三十八種

青蒿

菟蔚

夏枯草

旋覆花

紅花

大小薊

續斷

大青

胡盧巴

牛蒡子

豨薺

芭蕉

蘆根

麻黃

木賊

燈心草

地黃

牛膝

紫苑

麥門冬

淡竹葉

蜀葵

款冬花

草決明

瞿麥

葶藶子

車前子

旱蓮草

連翹

青黛

扁蓄

紫花地丁

穀精草

刺蒺藜

沙苑蒺藜

大黃

大戟

商陸

車前子

旱蓮草

刺竹葉

覆葉

燒冬芥

草火四

刺黃

小兒

紫葳

麥門冬

刺

刺黃

木煎

刺心草

刺

半葉子

刺

刺

刺

大小

刺

刺

刺

黃

夏

刺

草

三十八

本草綱目卷之四

東臯握靈本草卷之四

嘉定王翊編輯

草部三

青蒿

處處有之童便浸一日夜晒乾

主治青蒿苦寒無毒主留熱在骨節間補勞瘦治瘧疾寒

熱傳金瘡止血止疼

發明青蒿得春木少陽之氣最早故所主之證皆少陽厥

陰血中之病又能治鬼症伏尸

選方虛勞盜汗煩熱口乾用青蒿一斤取汁熬膏入人參

末麥門冬末各一兩熬至可丸丸服名青蒿丸

瘧疾寒熱青蒿陰乾桂心等分爲末每服一錢先寒用熱酒先熱用冷酒發日五更服一方青蒿四兩桂心

一兩

赤白痢下五月五日采青蒿艾葉等分同豆豉擣餅日乾名蒿鼓丹每用一餅水煎服

酒痔便血青蒿或莖或葉一件爲末糞前冷水服糞後

水酒調服

茺蔚

卽益母生海濱池澤白花者良紫花者爲野天麻

主茺蔚辛甘微溫無毒主明目益精除水氣活血養

治主女人崩帶產前產後諸病

發明 茺蔚子活血行氣有補陰之功故名益母凡治胎前產後所恃者氣血也胎前無滯產後無虛以其行中有補也

茺蔚子爲手足厥陰經藥白花者入氣分紫花者入血分治婦女經脈不調胎產血氣諸病同四物香附諸藥獲效甚多

東垣言瞳子散大血不足者禁用爲其辛溫上散能助火邪也若血滯病目則宜之故又曰明目

婦人胎產諸病根莖花葉實並用若調經明目則單用子蓋根莖花葉專于行而子則行中有補也

方選

女人難產益母草汁一盞煎減半頓服胎死腹中同
上方產後血暈同上方產後血閉益母草汁入酒溫
服以益母草爲末蜜丸治胎產諸病名濟陰返魂丹
益母膏更能治折傷內損服至七日則疼漸平復

赤白雜痢日久困重者益母草陳鹽梅燒存性等分爲
末每服三錢白痢乾薑湯下赤痢甘草湯下名二靈
散

急慢疔瘡用益母草擣封之仍絞汁五合服卽消
勒乳成癰益母草爲末水調塗一宿瘥

喉閉腫痛益母草擣爛新汲水一盞絞濃汁頓飲隨吐

愈冬日用根

小兒初生益母草煎湯洗浴不生瘡疥

夏枯草

原野間甚多

主治夏枯草苦辛寒無毒主寒熱瘰癧結氣脚腫濕痺

明發夏枯草治瘰癧結氣有補養厥陰血脈之功

夏枯草治目珠疼至夜則甚者神效或用寒藥點之反甚者亦效夜與寒陰也夏枯草稟純陽之氣能補厥陰血脈故治此如神以陽治陰也

選方治目珠疼冷淚不止羞明怕日至夜則甚或用苦寒

藥點之反甚者夏枯草二兩香附二兩甘草四錢爲

末每服一錢半清茶調服神效一方夏枯草半兩香
附子一兩爲末每服一錢

血崩不止夏枯草爲末每服方寸匕米飲調下

瘰癧馬刀不問已潰未潰或日久成漏用夏枯草六兩
煎服虛甚者煎汁熬膏兼以十全大補加香附貝母
遠志尤善此物生血治瘰癧之聖藥也

旋覆花

生近道下濕處卽金沸草如小錢大
深黃色凡使去皮及蒂洗淨微焙

主治

旋覆花鹹溫有小毒主結氣脇下滿驚悸除水消胸

上痰結唾如膠漆胸中痰水膀胱留飲主水腫大腹止

嘔逆軟痞治噫氣

發明旋覆花手太陰手陽明藥也其功只在行水下氣通
血脈爾仲景治傷寒汗下後心下痞堅噫氣不除有七
物旋覆代赭湯雜治婦人有三物旋覆湯胡洽治痰飲
在兩脇脹滿有旋覆花丸蓋鞭則氣堅旋覆之鹹以軟
堅也

行痰去水除風亦走散之藥病人涉虛者不宜多服冷
利大腸宜戒之

選方耳瘡沿邊爛蝕名月蝕瘡旋覆花燒研摻之

紅花

處處有之凡
使酒噴微焙

主治紅花辛溫無毒多用破留血少用養血

發明紅花苦溫入心養血同桃仁去瘀血佐當歸生新血

血生于心包藏于肝屬于衝任紅花與之同類故能行

男子血脈通女子經水

選方仲景治六十二種風兼腹內血氣痛紅花一大兩為

四分以酒煎頓服不止再服

喉痺不通紅花搗汁一升服冬月以乾者浸濕取汁煎

服

產後血運紅花一兩為末分二服童便下胎死及胎衣

不下酒煮汁飲

大薊小薊

出北平者力勝今處處有之俗名野紅花大薊高三四尺小薊高一尺酒洗或童便拌微焙

主大薊小薊並甘溫無毒大薊主養精保血止熱補

損小薊止血退熱能健養下氣也

明發大小薊皆能破血但大薊兼療癰腫而小薊專主

不能消腫也

選方崩中下血吐血竅血刺薊搗汁和酒服乾者以水煎

服亦治熱淋

墮胎下血益母草小薊根共五兩煎一二椀一日服

續斷

川產者良今所在山谷皆有生蔓延今皆用莖葉不似小薊色赤而瘦折之有烟塵者真否則爲南續斷

浸焙用

主續斷苦微溫無毒主傷寒補不足金瘡癰瘍續筋骨

助血氣補勞傷破瘀結消腫毒縮小便止遺泄理胎產
崩帶及跌撲傷

逐方小便淋瀝續斷搗絞汁服乾者煮服

病血痢用平胃散一兩入川續斷末二錢半每服二錢

水煎服即愈

妊娠胎動兩三月墮預宜服此用續斷酒浸杜仲薑汁
炒去絲各二兩爲末棗肉和丸米飲下

產後血暈心悶寒熱垂死惟此藥能救之

大青

處處有之用
莖葉陰乾用

主治大青苦大寒無毒一云甘微鹹主時氣頭痛大熱口

瘡熱毒痢黃疸喉痺

選方

熱毒下痢有大青湯大青四兩甘草赤石脂三兩阿

膠二兩豉八合水煎分三服

治傷寒頭痛身強腰脊痛葛根湯內亦用大青大抵時
疾多用之

大青能解心胃熱毒不獨治傷寒也活人書治傷寒發
赤斑煩痛有犀角大青湯大青七錢半犀角二錢半
梔子十枚豉二撮分二服煎服又熱病發斑大青四
物湯大青一兩阿膠甘草各二錢半豉二合分三服
煎好入膠烱化

胡盧巴

番國蘿蔔子也。舶客以其種蒔于嶺外，今出廣州。酒浸一宿，晒乾，或蒸或炒，用。

主胡盧巴苦大溫無毒主疝瘕寒濕脚氣益右腎暖胃

田

明^發胡盧巴右腎命門藥也元陽不足冷氣潛伏不能歸

元者宜之

方^選胡盧巴丸治大人小兒小腸奔豚偏墜及有形如

走痛不可忍者用胡盧巴八錢茴香六錢巴戟去心

烏頭去皮各二錢棟實去核四錢吳茱萸五錢並炒

爲末酒糊丸如梧子每服十五丸小兒五丸鹽酒下

寒濕脚氣腿膝疼痛無力胡盧巴酒浸一宿焙破故紙

炒各四兩爲末以木瓜切頂去瓢安藥在內令滿用頂蓋合住簽定蒸爛搗丸梧子大溫酒下

陰癰腫痛或偏墜或小腸疝下元虛冷者沉香內消丸
沉香木香各半兩胡盧巴酒炒小茴香炒各三兩爲末酒糊丸鹽酒下

牛蒡子一名鼠粘子又名大力子處有之酒拌蒸焙乾研粉用

治主牛蒡子辛平無毒主明目補中潤肺散氣利咽膈去

風消斑疹毒

明發鼠粘子陽中之陰升也通十二經又云入肺故利咽

喉

鼠粘子其用有四治風濕癰疹咽喉風熱散諸腫瘡
之毒利凝滯腰膝之氣是也

選方痰厥頭痛牛蒡子炒旋覆花等分爲末臘茶清服一

錢日再

風濕水腫欲裂鼠粘子二兩炒研爲末溫水服二錢日

三服

懸癰喉痛風熱上搏牛蒡子炒生甘草等分水煎含嗽

咽喉不利及小兒痘出不快壯熱咽腫用牛蒡子後

荆芥穗各一兩甘草半兩爲末湯服二錢小兒大便

利者勿服